

‘‘थुनलाइया बेसेबां सोलायखो’’ आयदानि सायाव हादरगिरि नमायाव साहित्य अकादेमिनि सावराय मेल

ककाझार/गोदान दिल्ली,
30 मे: साहित्य अकादेमि आगे
हादरगिरि नमा हरिमुवारि मिरुनि
जुथायै बान्जारायनायाव सानैनि
हाबाफारि लानानै खुंफुंजानाय
थुनलाइगिरि जथुमाव 30
मेखालि खुंफुंजाय ‘‘थुनलाइया
बेसेबां सोलायखो?’’ आयदानि
सायाव मोनधाम थुनलाइयारि
जखन्थाय खुंफुंजायो। ‘‘भारतनि
(□ 4 बिलाइआव)



(□ 1 बिलाइनिफ्राय)

‘‘थुनलाइया बेसेबां सोलायखो’’ आयदानि सायाव हादरगिरि नमायाव साहित्य अकादेमिनि सावराय मेल

आइजो सानस्त्रिनि थुनलाइ: गोदान नोजोरजों’’ आयदानि सायाव
मासिगिरि बिबान लानानै सामलायनाय उरिया लिरगिरि मुस्त्रिमा
प्रतिभा राय बिथाछ बुछेदि, आइजोंफोरनि सायाव लिरनाय
आयदाया मोनसे जर’खा गारां गोनां, बुहुमनां नोजोर आगे जिठनि
फारसे थानाय नोजोरथिजों जायो। बिथाछ बुंधावोदि, आइजो
सानथौमिननि सायाव लिरनाया गुबुन जेबो आलादा आयदा नछ,
नाथाय सोरजिनायनि मोनसे फोरमायनाय आदबल’। बे
जखन्थाइयाव मुंदांखा आइजो लिरगिरिफोर फारियै अनामिका,
अनुजा चंद्रमौली, महुआ माजौ, निधि कुलपति, प्रिटि चेनई
आगे तामिलचौ थंगपाण्डयनआ बाहागो लायो। नैथि जखन्थाइ
‘‘थुनलाइयाव सोलायनाय: सोलायनायनि थुनलाइ’’ आयदाखौ
मासिगिरि महरै सामलायो साहित्य अकादेमिनि लेखइ आफदगिरि
छ कुमुद शर्माआ। बिथाछ गावनि मासिगिरिनि बिबुंथियाव
बुछेदि, भारतारी थुनलाइफोरा रावसोलायनायनि गेजेरजोंसो
जौनिसिम सौफेजोबो आगे बे रावसोलायनायाव थुनलाइया गोबां
सोलायनानै फैयो। बे जखन्थाइयाव गिरिखर मिश्र, ममता कलिया,

रश्मि नाजारी, रीता कोठारी आगे यतीन्द्र मिश्र बिथामोनहा बाहागो
लानानै गाव-गावनि बिजिरलुखौ फोरमायथिनानै होयो। नोजोर
खोनो गोनोदि रश्मि नाजारी बिथाछ बे जखन्थाइयावनो गावनि
बिबुंथियाव बुछेदि थुनलाइयाव सोलायनाय आगे सोलायनायनि
थुनलाइखौ गुबुन-गुबुन नोजोरजों आलादा-आलादायै
सावरायजाया। बिसोर गावजों-गाव सोनारलायो आगे गावजों-
गाव खाथि सोमोन्दो दलायो। ‘‘बुहुमनां थुनलाइयाव भारतारि
थुनलाइनि बिथि’’ आयदानि सायाव जथुमनाय जखन्थाइयाव
मासिगिरि महरै अभय मौर्यआ बुछेदि- मोनफ्रोम गोदान
मुगायावनो थुनलाइया गोदान-गोदान जेनाफोरजों सौसिनांगौ जायो।
बेबादि फरासौ सोमावसारनायनि उनावनो जुरिजेनदों आगे 1917
माइथायाव रुसआव जानाय जौखिथायनि उनावबो जादों। 21 थि
मुगानि थुनलाइयाव गोबां गोदान दोहौ सौफेबाय जरखायै
आर्टिफिसियेल इन्टिलिजेन्टआ बे दोहौखौ लाबोनानै होफेदों। बे
जखन्थाइयाव डायेना मिर्केविसियेने, किनफाम सिंग नोडकिनरिहा,
लक्ष्मी पुरी, नवतेज सरना आगे सुजाता प्रसादआ बाहागो लानानै
गाव-गावनि बेखेवथिखौ होयो। गासै जखन्थाइयावनो गोबां
लिरगिरि-मेलेमजिबिफोर, रादाय बिजौनि सुबुंफोर आगे थुनलाइ
मोजां मोनगिरिफोरा बाहागो लादोंमोन। □